



Sabtu, 30 Juli 2022
Ogen: Roma 12:10b.



"Pehaga Teman"



Pengakap jelma si enterem, melala teman berarti mejile pergaulenta. Tapi lenga tentu teman e kerina banci mabai kita mehuli, banci reh papakna entah kita jadi teman tupung ia perlu. Amin uga gia sekali kecibal teman ras perbahanenna man banta, wari enda kita iajut guna tetap mpehaga teman. Temanta e pe jadi kade-kadeta. Kalak si engkelengi temanna, e me buah ia ngkelengi Dibata, sabap sipeseh kerna kekelengen Dibata siiberekenna man banta. Nggeluh sikeleng-kelengen me jadi palasta i bas nehken kekelengen Dibata.

Mpehaga teman, ertina kita mpehaga Dibata, saba teman e pemere Dibata si itamakenna radu ras kita ngiani doni enda. Si pehaga teman pe ertina sipehaga dirinta selaku tinepa Dibata. Kitab Roma 12:10b mereken sada perentah segelah si lebe-lebelah kita i bas mpehaga teman. Temanta e me jadi dalanta guna ncidahkan keleng ate si mbelin si rehna arah Dibata nari. Erbage-bage pemere Dibata si mbelin salah sadana e me kerna nehken keleng ate man sapih-sapih manusia. Tapi penungkunenta gundari, me rusur kita mpehaga temanta?

Adi terjeng kata, la ikut ras perbahanen tentuna lenga jadi alasen kita nehken keleng ate e. Pehagalah teman sabap i je me sidatken keriahen ukur si mbelin, bahanlah bagi singena ateNa, iergaken Dibata me kalak si ncidahkan kekelengenNa sabap i je me Dibata erdahin nandangi anak-anakNa si nggit erkemalangen man baNa. I bas mpehaga teman la ngarapken kita pe ipehagana, ertina la ersemulih sabap e dahin si enggo ibahan Dibata man banta. Ipehagana kal kita i bas kelemahenta nari, dosa-dosanta si erbahan kita la meherga enggo isasapkenNa, janah kita ibenarken i lebe-lebe Bapanta. La ka bekas beluhta tapi Tuhan si erkuah ate man banta. Enda kal me dlanna si pehaga kalak si deban sabab kita enggo leben mehaga.